

1914-1918



SEDUTA INAUGURALE DI U CULLOCHIU

**A CORSICA È A GRANDE GUERRA
UN AVVENE SCUPPULATU ?**
E CUNSEQUENZE DI A GUERRA 14-18 IN CORSICA

U 27 DI NUVEMBRE DI U 2018 | CORTI

**ACCADEMIA
DI I VAGABONDI**
Dipoi 1659

 **CULLETTIVITÀ DI CORSICA**
COLLECTIVITÉ DE CORSE


**ASSEMBLEA DI
CORSICA**



Un ci hè nisunu dubitu è un hè cuntestatu da nimu chì a guerra di 14 abbia avutu conseguenze particolarmente calamitose in Corsica. Invece l'ampiezza di ste conseguenze un hè mai stata scientificamente studiata di manera cumpletta è sistematica. Cunniscimu per indettu a pulemica nantu à u numeru di morti, chì s'hè sviluppata durante decine d'anni. S'agisce qui di unu di i punti - particolarmente sensibile - da accustà di manera metodica è freta. Qualesse sò state e conseguenze di sta guerra in termini demografichi, economici, sociali, culturali, linguistichi, sucetali è, bene intesu pulitichi ?

U centinariu di a fine di a Grande Guerra pare esse l'occasione à prupiziu per ingagià una dimarchja glubale ch'ella permetti cusi di cumincià à risponde à ste dumande.

UNE POCHE D'URIENTAZIONE DI RICERCA

I sciffri di i morti è di i feriti.

Riattualizzazione di u « Libru d'oru » ? Seria di sicuru necessaria contu tenutu di i casi rillevati di « suldati dimenticati »¹. S'agisceria d'una dimarchja di più longu andà ma una comunicazione puderia esse fatta nantu à stu puntu à u cullochiu. Un articulu precisu nantu à u 173esimu regimentu d'infanteria puderia esse realizatu. Si puderia trattà di e cundizione particolare di mobilitazione.

E conseguenze demografiche, economiche è sociale

E simulazione puderianu esse effettuate à partesi da a situazione è di l'evuluzione anteriore à a guerra. Si puderà accustà tandu e quistione di l'esiliu è di a partecipazione di i Corsi à l'imperu culuniale.

E conseguenze sucetale

Principalmente, e quistione di spupulamentu di l'interiore è di u mondu paisanu.

E conseguenze pulitiche

Parechji autori anu evucatu a guerra di 14

cum'è unu di l'elementi maggiori à l'origine di u movimentu cursistu, cum'è di e sviate individuale versu l'irredentisimu.

Cunseguenze culturale è linguistiche

Una dimarchja di rinascita culturale² avia cuminciata assai tempu nanzu à guerra (cf. A Tramuntana in u 1896, A Cispra in u 1914...). Cunvene di valutà i currenti pulitichi nati da u cunflittu (cursisti è irredentisti) nantu à sta dimarchja culturale, chì paterà una piantata dopu à a seconda guerra mundiale³.

Cunseguenze in termini d'imaginariu cullettivu

A literatura corsa testimonieghja largamente quantu ellu hè statu impressu stu cunflittu in l'imaginariu isulanu, ciò ch'elle avianu dimustratu e comunicazione prununziate mentre u cullochiu internaziunale urganizatu da l'Accademia Corsa di i Vagabondi in u 2014, in Corti (« A guerra di 14 in a literature » atti in corsu d'edizione). Sta riflessione puderà esse apprudfundita à l'occasione di u cullochiu di novembre.

PROGRAMMA DIA SEDUTA INAUGURALE DI U MARTI 27 DI NOVEMBRE

A seduta inaugurale di u 27 di nuvembre cunsacrata à e cunseguenze di a guerra di 14 in Corsica, marca u principiu di l'opere di ricerca chì seranu cundutte nantu à sta tematica sottu à l'egida di l'Accademia di i Vagabondi. St'opere si perseguiteranu durante una annata. Un cullochiu conclusivu si tenerà in u 2019, annata centannina di u trattatu di Versailles.

10 ore menu un quartu | Accolta caffè

10 ore | Intervenzione d'apertura :

Jean-Guy Talamoni, Maestru di cunferenza associatu, Presidente di l'Accademia di i Vagabondi

Saveriu Luciani, Cunsiglieru Esecutivu di Corsica

Jean-Felix Acquaviva, Deputatu di a Corsica Suprana

10 ore è mezu | Didier Rey, Professore di l'Università
1914-1918 in Corsica : una memoria infine appaciata ?

11 ore | Sébastien Ottavi, Professore agregatu di storia
A grande guerra di i Corsi- quandu chì a memoria si perde.

11 ore è mezu | Cyril Delahaye, guida cunferenzieru à u « Chemin des Dames », « Musée du Dragon » :

Meziornu | Scambii cù a sala

Meziornu è mezu | Cullazione sopra à locu

2 ore è mezu | Jean-Guy Talamoni

A prima guerra mundiale in a literatura corsa

3 ore | Eugène F.-X. Gherardi, Professore di l'Università

Imbusche storiche di a Grande Guerra, sintesi di i travagli è prospettive di ricerca

U corsu serà lingua ufficiale cum'ellu fubbe per i cullochii precedenti urganizati da l'Accademia di i Vagabondi. Una traduzione simultanea serà assicurata.

¹ Cf. per esempiu : : « Les oubliés du Livre d'Or », situ internet U Pighjolu – I Bagni di Guagnu, 13 d'ottobre di u 2014, <http://poggiolo.over-blog.fr/2014/10/les-oublies-du-livre-d-or.html>

²« La première renaissance corse », secondu à Fernand Etori.

³ Ancu s'è resistenti di prima trinca cum'è Simon Vinciguerraci avianu participatu, u movimentu culturale corsu pacherà e pene, dopu à a liberazione, di e vicissitudine pulitiche di u periodu trà e duie guerre.



**« Culà vecu a neve
pè i chjassi
Culà sempre voltanu
i mio passi
Culà ci s'hè firmata
la mio vita. »**

*Le Chemin des Dames
Dédé Nobili, Paulu Felice Nasica,
I Chjami Aghjalesi.*

Risponsevuli di u prugettu
Jean-Guy Talamoni
Eugène Gherardi

Cumitatu scientificu :
Accademia di i vagabondi

Cumitatu d'organizzazione :
Cunsigliu di a lingua corsa
Cullettività di Corsica

Contact :
Toussaint MARIANI
Toussaint.Mariani@ct-corse.fr
04 20 03 95 02

www.isula.corsica/assemblea